

ea quæ sanguinis boni copiam generare possunt, præscribemus, vitiâque si quæ sint, quæ hoc impediunt, commendabimus. Cauere ergo debemus summoperè ne mensium fluorem frustra prouocare cum præsentibus medicamentis tentemus, cum prædicta aliqua incommoda adesse intelligemus. Verùm si copia adsit sanguinis, & si subsistant ob eiusdem crassitiem, aut lentorem, aut vasorum vteri partiùmve circumstantium obstructionem magnam, aut vteri densitatem, tunc tutò dictis remediis menstrua prouocabimus.

CORRIGENTIBVS *accidentia.*

Lac.

Oui albumen conquassatum,

Oleum violaceum, rosaceum.

Aqua rosacea.

Mitigant ardorem mordacem præsentia, si aliquis à pessulis similibusve medicamentis excitatus sit; linteolum autem prædictis insuccatum collo vteri infertur.

**THEORICA ET EMPIRICA MEDICAMENTA nobilia, in MENSIBVS NIMIUM SVPPRESSIS sæpius cum summa salute plurimorum egrotorum à Gualtero Bruel experta.**

CVRATIO MENSIVM NIMIUM SVPPRESSORVM.

℞ diacatholiconis ℥ vj. manne Calabrine ℥ j. syrupi arthemisæ ℥ j. β. aquarum arthemisæ ℥ iiii. fiat *Hautus.*

℞ syrupi arthemisæ ℥ ij. syrupi de duabus radicibus, syrupi Byzantini ana ℥ j. aquarum matricariæ, fœniculi, petroselini ana ℥ iiii. fiat *Iuleb.*

℞ radicem asari ℥ β. fœniculi, petroselini ana ℥ j. β. sauinæ m. β. nepite m. j. β. capillorum Veneris p. j. coquantur.